

ՔՐԻՍՏՈՆԷՈՒԹԻՒՆԸ ԿՈԱՊԱՇՏ ԱՐԵՒԵԼՔՈՒՄ

Այս առիթով կարգում ենք «Բարի-լուրի» մէջ:

Զինական ֆաղափական քերքերը ներկայումս յորդորում են ժողովրդին, որ թողնեն կռապաշտութիւնը: Շատ տեղերում կռատունները ամայի ու աւերակ են դառել և ուրիշ տեղերում կռուքերին դուրս են բերել տաճարներից և դարսել տաճարին կից մի փոքրիկ սենեակում, իսկ տաճարը դարձրել են ուսումնարան:

Արդեօք Տիբեթը պիտի բացվի: Տիբեթի սահմանների մօտ միշտ աւելի առաջ է գնում միսիօնարական գործը, բայց առանց աղմուկի, այնպէս որ քրիստոնեաները գեռես չեն լսել այնտեղ եղած մեծ առաջադիմութեան մասին: Հնդկաստանի և Զինաստանի կողմից Տիբեթը ներկայումս շրջապատված է միսիօնարական կայարանների մի ամբողջ շղթայով: Թէ ինչպէս միշտ աւելի չքանում է բուդդայականութեան իշխանութիւնը Տիբեթում, դրա ապացոյց էր այն վերաբերմունքը, որ չինական կառավարութիւնը ունեցաւ դէպի համայն բուդդայականութեան պետը՝ «Սուրբ Լաման»: Նա որ մինչև այժմ ապրում էր Տիբեթի վանական քաղաք Լհասայում առանձնութեան մէջ և պարծենում էր իբրեւ մեծ իշխանաւոր, ստիպված էր խոնարհել և մի նուաստացուցիչ ուղեւորութիւն անել դէպի Պէկին, որտեղից նա բոլորովին ձեռքաչելով ամեն քաղաքական և քաղաքացիական իշխանութիւնից դեկտեմբերի 21-ին վերադարձաւ:

Միսիօնարական գործը Սումատրա կղզում: 75 տարի սրանից առաջ, 1834-ին սպանեցին և կերան վայրենի բատակները առաջին երկու ամերիկացի միսիօնարներին — Մուենսօնին և Լիմանին: Նորերս գտան նրանց սպանվելու տեղը — Լօբու Պինինգի մօտ — և կանգնեցրին այնտեղ մի արձանաբար, որի վրայ քանդակուած են հետեւեալ խօսքերը. «Այստեղ հանգչում են երկու ամերիկացի միսիօնարների Մուենսօնի և Լիմանի ոսկորները, որոնց 1834-ին»



սպանեցին և կերան (Յօհ. Ժգ, 1.-3)». Ներքին էլ գրված է. «Նահատակների արիւնը եկեղեցու սերմն է»: Այդ նահատակներից մէկի մօր մասին պատմում են, թէ երբ նա լսեց իր սրգու մահը, այնչափ չը ցաւեց իր որդուն կորցնելու համար, որչափ նրա համար, որ ինքը չունէր ուրիշ որդի որ գնար և սպանվածի տեղը բռնէր: Այնուհետև նա ամեն օր աղօթում էր մարդասպան բատակների համար և վերջապէս նրա աղօթքը լսուեց: Հիմա այն Լօբու Պինինգ գիւղում քարոզւում է աւետարանը և մարդասպանների որդիներից շատերը բերված են արգէն Յիսուսի մօտ: Փրկութիւն փնտռողների մէջ է նոյնպէս ցեղապետ Օմպու Տօմբակը, նա այն երկու միսիօնարներին սպանողների գլխաւորի որդին է, 80 տարեկան ծերունի: Հռենոսի Միսիօնարական ընկերութիւնը ունի այժմ այն կղզում 69 գործիչներ, 43 գլխաւոր և 375 երկրորդական կայարաններում և 82 հազար տեղացի քրիստոնեաներ: Ինչպիսի փոփոխութիւն կարող է Աստուծոյ Հոգին առաջ բերել մարդկանց սրտերում:

